



SLUŽBENI GLASNIK

OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina LII - Broj 9 Petak, 01.11.2019.godine T E Š A N J	ŠTAMPA: Općina Tešanj Priprema: Sajda Klepić, Tehnički sekretar Vijeća “Službeni glasnik” izlazi po potrebi
---	--	--

Na osnovu člana 8. i člana 13. Zakona o principima lokalne samouprave („Službene novine Federacije BiH“, broj: 49/06 i 51/09) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj 33.sjednici, održanoj 30.10.2019. godine, donosi

ODLUKU **o pogodnostima za investiranje** **na području općine Tešanj**

Član 1.

(Predmet)

- (1) Ovom Odlukom Općina Tešanj utvrđuje pogodnosti Investitorima koji na njenom području započinju izgradnju poslovnog objekta, uzimaju u zakup poslovni prostor ili započinju obavljanje djelatnosti koje u svojim proizvodnim i uslužnim procesima koriste napredne informacione tehnologije, CNC mašine ili izradu programskih aplikacija za rad mašina i druge digitalne namjene.
- (2) Djelatnosti iz prethodnog stava predstavljaju djelatnosti sa višim stepenom finalizacije završnog proizvoda i dužim lancem vrijednosti, koji će potaknuti razvoj i dugih firmi.
- (3) Prilikom identifikacije i potvrđivanja mogućnosti korištenja pogodnosti, Općina Tešanj će u obzir uzeti i podatke o: osnovnoj klasifikacionoj oznaci djelatnosti investitora iz Klasifikacije djelatnosti BiH 2010, stepenu automatizacije proizvodnje te stepenu finalizacije proizvoda.

Član 2.

(Vrsta pogodnosti)

- (1) Pogodnosti koje će Investitor iz člana 1. ove Odluke koristiti odnose se na oslobođanje od plaćanja

taksa i naknada koje su propisane općinskim odlukama i to:

- a) Općinska administrativna taksa i naknada,
 - b) Taksa na svaku istaknutu firmu,
 - c) Priključna taksa za vodovod i kanalizaciju,
 - d) Priključna taksa na toplovodnu mrežu,
 - e) Komunalna naknada,
 - f) Naknada za uređenje,
 - g) Naknada za korištenje cestovnog zemljišta,
 - h) Naknada za vatrogastvo
- (2) Pogodnosti po osnovu oslobađanja od plaćanja komunalne takse na svaku istaknutu firmu, već su propisane Odlukom o komunalnim taksama (“Službeni glasnik Općine Tešanj”, broj: 4/08 i 5/09), a odnose se na oslobađanja od plaćanja takse na istaknutu firmu svim obveznicima u prvoj godini poslovanja, te kategorija ratnih vojnih invalida preko 50 % invalidnosti, oslobođena je plaćanja 50 % propisane takse u drugoj godini poslovanja.

Član 3.

(Način ostvarivanja pogodnosti)

- (1) Pogodnost iz prethodnog člana investitorima će biti realizirana kroz refundaciju od strane Općine Tešanj, na ime sredstva uplaćenih po osnovu taksi i naknada u toku realizacije investicije.
- (2) Refundacija sredstava iz prethodnog stava vršiće se jednom godišnje, za sve investitore koji su u toku godine podnijeli zahtjev za korištenje pogodnosti iz sredstava budžeta Općine Tešanj.
- (3) Na osnovu podnesenih zahtjeva za korištenje pogodnosti, Komisija formirana od strane Općinskog načelnika, na osnovu utvrđenih kriterija, uvidom na licu mjesta i na osnovu priloženih dokaza, zapisnički konstatuje

ispunjenost uslova za ostvarivanje prava na refundaciju uplaćenih taksi i naknada.

- (4) Osim ispunjenosti uslova predviđenih članom 1. ove Odluke, Komisija ima obavezu izvršiti provjeru, putem nadležnih inspekcijskih i drugih organa, da li investitor posluje u skladu sa važećom zakonskom regulativom, a posebno u skladu sa Zakonom o radu.
- (5) Komisiju pored općinskih službenika mogu činiti i stručna lica izvan organa uprave.

Član 4.

(Rok za korištenje pogodnosti)

- (1) Investitori koji vrše izgradnju poslovnog objekta pogodnost mogu koristiti u periodu od 18 mjeseci od momenta dobijanja građevinske dozvole.
- (2) Investitori koji obavljanje djelatnosti iz člana 1. ove odluke započinju u iznajmljenom poslovnom prostoru, pogodnost mogu koristiti u periodu od 12 mjeseci od momenta potpisivanja ugovora o zakupu prostora.
- (3) Svi ostali investitori koji se ne potpadaju pod odredbe stava (1) i (2) ovog člana, a ispunjavaju uslov iz člana 1. ove Odluke, pogodnost mogu koristiti u periodu od 12 mjeseci od datuma dostave obavjesti o započinjanju obavljanja djelatnosti.
- (4) Period korištenja pogodnosti iz stava (1), (2) i (3) ovog člana, tiče se vremena u kome investitor treba za podnese zahtjev za korištenje povlastice.
- (5) Korištenje pogodnosti odnosi se na investitore koji aktivnost iz člana 1. ove Odluke započinju nakon stupanja na snagu ove Odluke.

Član 5.

(Rješenje o korištenju pogodnosti)

- (1) Investitor se zahtjevom za korištenje pogodnosti/refundaciju sredstava obraća nadležnoj Službi za privredu, Općine Tešanj.
- (2) Uz zahtjev za korištenje pogodnosti Investitor prilaže odobrenje za rad nadležnog općinskog organa, aktuelni izvod iz sudkog registra, obavijest o početku obavljanja djelatnosti iz člana 1. ove Odluke, ili drugi dokaz na osnovu kojeg Komisija iz člana 3. ove Odluke može procijeniti da se radi o Investitoru iz člana 1. ove Odluke.
- (3) Korištenje pogodnosti iz član 2. ove Odluke odobrava Općinski Načelnik na osnovu prijedloga Komisije.

Član 6.

(Evidencija o korištenju pogodnosti)

Evidencija o korištenju pogodnosti i monitoring primjene ove Odluke u nadležnosti je Službe za privredu Općine Tešanj.

Član 7.

(Izveštavanje o primjeni Odluke)

Jednom godišnje Općinsko vijeće će biti informisano o realizaciji pogodnosti za investitore iz ove Odluke.

Član 8.

(Stupanje na snagu)

Ova odluka stupa na snagu narednog dana od dana objavljivanja u „Službenom glasniku Općine Tešanj“.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA

Senad N. Subašić, s. r.

Broj: 01- 02-1-1459-4/19

Datum: 31.10. 2019. godine

Na osnovu člana 14. Statuta općine Tešanj ("Službeni glasnik Općine Tešanj", broj: 11/07) Općinsko vijeće Tešanj na svojoj 33. redovnoj sjednici održanoj dana 30.10.2019. godine, donijelo je:

O D L U K U

o pristupanju Sporazumu gradonačelnika za klimu i energiju i izradi Akcionog plana za održivu energiju i borbu protiv klimatskih promjena

(engl: Sustainable energy and climate action plan – SECAP)

Član 1.

Općina Tešanj pristupa Sporazumu gradonačelnika za klimu i energiju, čime se obavezuje da će smanjiti emisiju CO₂ za najmanje 40% do 2030. godine u odnosu na baznu godinu i povećati otpornost na klimatske promjene na svojoj teritoriji.

Član 2.

Općina Tešanj prihvća načela i obaveze iz Sporazuma gradonačelnika za klimu i energiju.

Član 3.

Ovom odlukom Općinsko vijeće Tešanj daje ovlaštenje Općinskom Načelniku za pristupanje i potpisivanje Sporazuma gradonačelnika za klimu i energiju.

Član 4.

Ovom Odlukom Općinsko vijeće Tešanj pokreće proces izrade Akcionog plana za održivu energiju i borbu protiv klimatskih promjena (SECAP) do 2030. godine.

Član 5.

Akcioni plan za održivu energiju i borbu protiv klimatskih promjena (SECAP) ima za cilj:

1. smanjiti emisije CO₂ (i, prema mogućnosti,

drugih stakleničkih plinova) na području općine Tešanj za najmanje 40 % do 2030. godine u odnosu na baznu godinu efikasnijom upotrebom energije i većom upotrebom obnovljivih izvora energije,

2. povećati otpornost općine Tešanj na posljedice klimatskih promjena,
3. podijeliti viziju, rezultate, iskustvo i znanje iz procesa izrade i implementacije SECAP-a s drugim lokalnim i regionalnim tijelima u okviru Europske Unije i izvan nje putem direktne saradnje i razmjene, posebno u kontekstu Sporazuma gradonačelnika.

Član 6.

Proces izrade Akcionog plana za održivu energiju i borbu protiv klimatskih promjena općine Tešanj biti će zasnovan na principima održivog razvoja.

Član 7.

Općinski Načelnik imenovati će koordinatora tima za izradu Akcionog plana za održivu energiju i borbu protiv klimatskih promjena.

Član 8.

Općinski Načelnik imenovati će članove tima za izradu Akcionog plana za održivu energiju i borbu protiv klimatskih promjena kao operativno, izvršno i koordinaciono tijelo zaduženo za vođenje procesa izrade SECAP-a.

Član 9.

Općinski Načelnik imenovati će savjetodavnu grupu za održivu energiju i borbu protiv klimatskih promjena, koja će aktivno učestovati u izradi SECAP-a.

Član 10.

Po završetku izrade Plana, isti će se dostaviti Općinskom vijeću Tešanj na usvajanje.

Član 11.

Ova Odluka stupa na snagu danom donošenja.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01- 49-2-288-5/19

Datum: 31.10.2019.godine

Na osnovu člana 363. stav 1. Zakona o stvarnim pravima („Službene novine FBiH“, broj: 66/13 i 100/13), člana 3. tačka c) Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene

novine FBiH“, broj: 17/14) i člana 14. Statuta Općine Tešanj („Službeni glasnik Općine Tešanj, broj: 11/07), Općinsko vijeće Općine Tešanj, na svojoj 33. redovnoj sjednici održanoj, dana 30.10.2019.godine, d o n o s i

O D L U K U kojom se odobrava prodaja i raspisivanje Javnog konkursa za zemljište na lokalitetu Ljetinića

Član 1.

Odobrava se prodaja parcela u vlasništvu Općine Tešanj i raspisivanje Javnog konkursa za parcele označene kao:

-k.p.broj: 288/1 površine 8716m² za K.O. Ljetinić

-k.p.broj: 288/2 površine 12465m² za K.O. Ljetinić

-k.p.broj: 288/8 površine 5978m² za K.O. Ljetinić

Član 2.

Parcele iz Člana 1. ove Odluke se nalaze u obuhvatu Prostornog plana Općine Tešanj („Službeni glasnik Općine Tešanj“, broj: 7a/09) i na istim je moguća gradnja objekata.

Član 3.

Ovlašćuje se Općinski Načelnik da objavi Javni konkurs i da u ime Općine Tešanj može zaključiti ugovor i poduzeti eventualno druge potrebne radnje vezano za prodaju parcela iz Člana 1. ove Odluke.

Član 4.

Parcele iz Člana 1. ove Odluke se prodaju radi privođenja zemljišta krajnjoj namjeni.

Član 5.

Vrijednost parcela iz Člana 1. ove Odluke iznosi 15,15 KM po 1 m².

Član 6.

Sve troškove u vezi prenosa prava na zemljištu iz Člana 1. ove Odluke, troškove zaključenja ugovora, plaćanje poreza i troškove provođenja ugovora snosi budući vlasnik zemljišta.

Član 7.

Ova odluka stupa na snagu narednog dana od dana objavljivanja u „Službenom glasniku Općine Tešanj“.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-31-1-1571-2/19

Datum: 31.10.2019.godine

Na osnovu člana 10. stav 2. Zakona o porezu na promet nekretnina („Službene novine Zeničko-dobojskog kantona“ broj 6/09) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj je na svojoj 33. sjednici, održanoj dana 30.10.2019. godine, donijelo

R J E Š E N J E
o imenovanju Komisije za procjenu vrijednosti nekretnina u prometu

I

Imenuju se dvije komisije za procjenu vrijednosti nekretnina u prometu, na period od dvije godine, u sastavu:

Prva Komisija

1. Senad Lekić, dipl. oec
2. Amela Smailbegović, dipl.arh.
3. Adis Bekrić, dip. iur

Druga Komisija

1. Enes Bećarević, dipl. geodeta
2. Almasa Čostović, dipl. ing. građ.
3. Almedin Bajrić, dipl oec,

II

Zadatak komisije je da u vrši procjenu prometa nekretnina u skladu sa Zakonom o porezu na promet nekretnina („Službene novine Zeničkodobojskog kantona“ broj 6/09, 6/13 i 6/18).

III

Ukoliko jedan od članova Komisije bude nedostupan u momentu potrebe koordinator može pozvati člana druge Komisije.

Naknadu za rad članovima Komisije iz tačke I ovog rješenja će odrediti Općinski načelnik na osnovu mjesečnog izvještaja o izvršenoj procjeni prometa nekretnina ovjerenog od Porezne ispostave Tešanj.

IV

Primjenom ovog rješenja prestaje primjena rješenje o imenovanju Komisije za procjenu vrijednosti nekretnina u prometu broj 01-49-2-2161-1/17 od 1.11.2017. godine godine („Službeni glasnik Općine Tešanj“ broj 9/17).

Ovo rješenje se primjenju osmog dana od dana objavljivanja u “Službenom glasniku Općine Tešanj”.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-49-2-2170-2/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Nacrt Budžeta Općine Tešanj za 2020. godinu, usvojilo slijedeći:

Z A K L J U Č A K

Usvaja se Nacrt Budžeta Općine Tešanj za 2020.godinu i upućuje na javnu raspravu u trajanju od 30 dana.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-14-2-325-26/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Izvještaj o izvršenju Budžeta za period januar-septembar 2019.godine, usvojilo slijedeći:

Z A K L J U Č A K

Usvaja se Izvještaj o izvršenju Budžeta za period januar-septembar 2019.godine

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-14-1-2103-2/19

Datum: 31.10.2019. godine

**IZVJEŠTAJ O IZVRŠENJU BUDŽETA
OPĆINE TEŠANJ ZA PERIOD JANUAR - SEPTEMBAR 2019. GODINE**

Članom 92. Zakona o budžetima u Federaciji BiH ("Službeni glasnik Federacije BiH", broj: 102/13, 9/14, 13/14, 8/15, 91/15, 102/15, 104/16 i 5/18) definisana je obaveza izvještavanja Općinskog vijeća o izvršenju budžeta na kvartalnom nivou. Shodno tome sačinjen je ovaj izvještaj sa osnovnim informacijama.

Osnov za izvršenje Budžeta Općine u 2019. godini čine dokumenti: Budžet Općine Tešanj za 2019. godinu ("Službeni glasnik Općine Tešanj", broj: 9/18, 7/19 i 8/19) i Odluka o izvršavanju Budžeta Općine Tešanj za 2019. godinu ("Službeni glasnik Općine Tešanj", broj: 9/18 i 8/19).

Izvršenje budžeta

U izvještajnom periodu su u dva navrata donošene izmjene i dopune općinskog Budžeta – rebalans. Razlozi ova dva rebalansa su različiti. Prvi Rebalans je rađen zbog uvećanja općinskih prihoda i potrebe uvećanja pojedinačnih stavki rashoda, te prestrukturiranja sredstava. Drugi rebalans je rađen zbog potrebe obezbjeđenja sredstava za sanaciju šteta od poplava iz augusta tekuće godine. Nakon ovih izmjena i dopuna općinski Budžet je uvećan za 1.302.000,00 KM, tako da sada iznosi 20.777.000,00 KM.

Prihodi i primici sa prenesenim sredstvima i finansiranjem Budžeta Općine Tešanj u izvještajnom periodu iznosili su **14.806.636,60 KM**. Rashodi, izdaci i povrat sredstava finansiranja iznosili su **11.629.736,04 KM**. U izvještajnom periodu iskazan je akumulirani suficit od **3.176.900,56 KM**, koji je odraz dinamike realizacije planiranih aktivnosti. Za realizaciju planiranih aktivnosti je izvršena rezervacija sredstava na stavkama rashoda i izdataka putem ugovora i započetih postupaka javnih nabavki u ukupno 355 postupaka, zaključno sa 30.09.2019. godine. Drugim riječima, akumulirani suficit postoji zbog toga što su neki poslovi ugovoreni javnom nabavkom, a do 1.10. su započeti ili završeni, a nisu plaćeni.

PRIHODI, PRIMICI I FINANSIRANJE

EKONOMSKI KOD	PRIHODI I PRIMICI	BUDŽET ZA 2019. GODINU	OSTVARENJE ZA PERIOD I-IX 2019. GODINE	PROCENT IZVRŠENJA U ODNOSU NA GODIŠNJI PLAN (4/3)	PROCENT IZVRŠENJA U ODNOSU NA LINEARNI DEVETOMJE SEČNI IZNOS
1	2	3	4	5	6
	I PRIHODI OD POREZA	8.801.000,00	6.502.682,07	73,89	98,51
711000	Porez na plate i dobit po staroj zakonskoj regulativi	3.000,00	3.772,50	101,26	167,67
714100	Porez na imovinu	1.015.000,00	832.685,02	82,04	109,38
716000	Porez na dohodak	2.250.000,00	1.597.839,44	71,02	94,69
717000	Prihodi od indirektnih poreza sa jedinstvenog računa	5.530.000,00	4.066.419,47	73,53	98,05
7152-900	Posebni porezi	3.000,00	1.965,64	65,52	87,36
	II NEPOREZNI PRIHODI	2.939.000,00	2.272.344,80	77,32	103,09
721000	Prihodi od preduzetničkih aktivnosti i imovine	229.000,00	227.919,05	99,53	132,70
722000	Naknade, takse i prihodi od pružanja javnih usluga	2.665.000,00	2.012.180,26	75,50	100,67
723000	Novčane kazne i ostali prihodi	45.000,00	32.245,49	71,66	95,54
	III TEKUĆI GRANTOVI	1.727.000,00	1.144.742,19	66,29	88,38

IV KAPITALNI GRANTOVI I PRIMICI	4.251.000,00	2.289.415,95	53,86	71,81
V PRENESENA SREDSTVA IZ PRETHODNE GODINE	1.829.000,00	1.829.425,13	100,02	133,36
VI FINANSIRANJE	1.230.000,00	768.026,46	62,44	83,25
UKUPNI PRIHODI	20.777.000,00	14.806.636,60	71,26	95,02

Tabela 1. *Prihodi, primici i finansiranje za period januar – septembar 2019. godine***Porezni prihodi**

Porezni prihodi, koji čine blizu 44% prihoda i primitaka bez prenesenih sredstava i zaduženja ovog kvartala, ostvareni su sa 98,51% sredstava linearno definisanog devetomjesečnog plana prihoda.

Nakon izvršene korekcije koeficijentata za raspodjelu PDV-a (indirektni porezi) od strane Federalnog ministarstva finansija, rebalansirani iznos prihoda od PDV-a se ostvaruje u planiranoj dinamici. Povrat umanjjenih (oduzetih) prihoda se vrši postupno. S toga je je u izvještajnom periodu ovaj prihod umanjen, a na godišnjem nivou će biti ostvaren i u većem obimu od projiciranog. Budući da se radi o najvažnijem i najizdašnjem općinskom prihodu njegovo veće ostvarenje može pokriti eventualna umanjjenja na drugim stavkama prihoda.

Prihodi od poreza na imovnu su ostvareni u većem obimu i iskazuju stabilnost i značajan potencijal za rast prihoda u narednoj godini.

Drugi po važnosti i veličini prihod od poreza na dohodak je, kao i prihodi od PDV-a, takođe ostvaren u nešto manjem obimu od rebalansiranog iznosa, a do kraja godine se očekuje ostvarenje na približno planiranom obimu. Za razliku od toga, za narednu godinu je najavljena izmjena zakonske regulative kojom bi se ova vrsta prihoda na općinskom nivou mogla značajno umanjiti. Ova činjenica je istaknuta u okviru nacarta budžeta za 2020. godinu i ista je predmet analiza i daljeg djelovanja općinske administracije.

Neporezni prihodi

Neporezni prihodi su u izvještajnom periodu ostvareni sa 103,09% sredstava linearno definisanog devetomjesečnog plana prihoda. Uvećano ostvarenje ove grupe prihoda je rezultat daljeg realnog rasta privrednih tokova i aktivnosti na teritoriji Općine koji imaju za posljedicu i uvećane aktivnosti Organa uprave. Shodno tome, uvećano su ostvarene obje podgrupe vezane za aktivnosti Organa uprave (poduzetničke aktivnosti i take i naknade). Umanjeno je ostvarena podgrupa ostalih prihoda, koja je ujedno i najmanja i čini manje od 5% podgrupe u cjelini. Ovo umanjjenje je u cjelini kompenzirano većim ostvarenjem druge dvije podgrupe. Analizirajući ostvarenje ove podgrupe prihoda može se konstatovati da će i ona na godišnjem nivou biti ostvarena u nešto većem obimu od planiranog.

Tekući grantovi

Tekući grantovi u izvještajnom periodu ostvareni su sa 88,38% sredstava linearno definisanog devetomjesečnog plana prihoda. Ova grupa prihoda je posebno kompleksna u planiranju, budući da se sastoji od različitih grantova - doznaka iz inostranstva, različitih nivoa vlasti i fondova na koje Općina nema presudan utjecaj.

Ova grupa prihoda je prilikom izrade drugog rebalansa Budžeta uvećana za grant sredstva za sanaciju šteta od poplava, a koja se očekuju od strane viših nivoa vlasti. Kako je to naglašeno u izradi rebalansa, njihovo odobravanje nije izvjesno, ali su upućeni zahtjevi te se vrše aktivnosti na odobravanju istih. Stoga je u tada i definisan alternativni način sanacije šteta uz redukovanje kapitalnih ulaganja.

Pored toga, kontinuirano se radi na iznalaženju grant sredstava kojim bi se eventualni izostanak planiranih grant sredstava nadomjestio.

S druge strane, grantovi Kantona za boračke populacije se transferišu u većem obimu od planiranog, budući da je izvršeno odobravanje sredstava za korisnike sa teritorije naše Općine u daleko većem obimu. Radi se o sredstvima za samozapošljavanje, troškove liječenja i vanredne novčane pomoći.

Ova sredstva u cjelini su namjenska i njihova veća realizacija je vezana za odgovarajuće rashode koje će takođe biti ostvarene u većem obimu.

Kapitalni grantovi

Kapitalni grantovi su ostvareni sa 78,81% sredstava linearno definisanog devetomjesečnog plana prihoda. Doznaka

ovih sredstava prati realizaciju projekata kapitalnog dijela budžeta. Radi se o tome da Općina ugovara i realizuje planirane projekte, kompletira sve izvještaje (nekad čak i uplate), a da se doznaka sredstava kapitalnih grantova vrši po dostavi faktura ili refundacijom uplata. Dakle, kada Općina pošalje izvještaj o završenom (nekad čak i plaćenom projektu) onda stičemo mogućnost da se sredstva prebace na račun Općine i tada mogu biti evidentirana u Budžetu. Kako su radovi na pojedinim projektima još uvijek u toku i nisu nastali ni rashodi po istim, to se i ostvarenje ovih stavki očekuje tek po njihovom okončanju u posljednjem kvartalu tekuće godine. Takav slučaj je sa vodnim naknadama, dijelom grantova viših nivoa vlasti i sredstvima Fonda za zaštitu okoliša sa sredstvima za gradnju kanalizacionih kolektora. Ukoliko se u tekućoj godini ne realizuje neki dio projekta, izostat će i realizacija grant sredstava u prihodovnom dijelu Budžeta za 2019. godinu. Općina Tešanj je putem javnih poziva sa nivoa BiH, FBiH i ZDK obezbijedila značajna sredstva za kapitalne grantove (poslovne zone, sportske dvorane, kanalizacija, vodosnabdijevanje i drugo)

Prenesena sredstva

Prenesena sredstva su evidentirana i iskazana u planiranom obimu.

Kreditno zaduženje

Kreditna sredstava u izvještajnom periodu su povučena u visini od 768.026,46 KM, a ista se odnose na plaćanje preostale obaveze za izvedene radove u prethodnoj godini za projekt WATSAN.

RASHODI, IZDACI I POVRAT SREDSTAVA FINANSIRANJA

EKONOMSKI KOD	RASHODI I IZDACI	BUDŽET ZA 2019. GODINU	OSTVARENJE ZA PERIOD I-IX 2019. GODINE	PROCENT IZVRŠENJA U ODNOSU NA GODIŠNJI PLAN (4/3)	PROCENT IZVRŠENJA U ODNOSU NA LINEARNI DEVETOMJE SEČNI IZNOS
1	2	3	4	5	6
611000	I SREDSTVA ZA PLATE I NAKNADE	2.520.000,00	1.784.202,45	70,80	94,40%
613000	II SREDSTVA ZA MATERIJAL, ENERGIJU I USLUGE	3.273.600,00	1.767.767,93	54,00	72,00
613000	1. Direktni materijalni rashodi organa uprave	1.054.600,00	689.691,35	65,40	87,20
613000	2. Ostale usluge za opštredruštvene potrebe	2.219.000,00	1.078.076,58	48,58	64,78
614000	III TEKUĆI GRANTOVI (TRANSFERI), KAMATE I SREDSTVA REZERVI	5.419.400,00	3.258.910,03	60,13	80,18
614311	1. Grantovi mjesnim zajednicama	485.000,00	282.533,85	58,25	77,67
614200	2. Grantovi socijalne zaštite i pomoći	2.071.400,00	1.157.679,97	55,89	74,52
614300	3. Grantovi za kulturu, obrazovanje i mlade	1.015.000,00	734.257,43	72,34	96,45
614300	4. Grantovi u oblasti sporta	430.000,00	353.211,00	82,14	109,52
614300	5. Grantovi udruženjima građana	135.000,00	97.750,00	72,41	96,54
614400	6. Grantovi podrške privredi i ostalo	1.153.000,00	598.093,02	51,87	69,16
616000	7. Kamate i operativna budžetska rezerva	130.000,00	35.384,76	27,22	36,29

821-615	IV KAPITALNI GRANTOVI (TRANSFERI) I IZDACI	9.491.000,00	4.770.818,28	50,27	67,02
821-615	1. Podrška projektima drugih izvora i utrošak namjenskih sredstava	5.280.000,00	2.885.255,56	54,64	72,86
821-615	2. Općinski projekti (novi projekti i nastavak započetih projekata)	3.184.000,00	1.454.404,13	45,68	60,90
821-615	3. Preostala kapitalna ulaganja i grantovi	1.027.000,00	431.158,59	41,98	55,98
823000	V POVRAT SREDSTAVA FINANSIRANJA	73.000,00	48.037,35	65,80	87,74
UKUPNO RASHODI, IZDACI I FINANSIRANJE		20.777.000,00	11.629.736,04	55,97	74,63%

Tabela 2. Rashodi, izdaci i povrat sredstava finansiranja za period januar – septembar 2019. godine

Bruto plate i naknade

Bruto plate i naknade se ostvaruju u nešto manjem obimu od planiranih iznosa. Ni jedna od stavki nije ostvarena sa prekoračenjem, a grupa u cijelosti je ostvarena sa 94,4% sredstava linearno definisanog devetomjesečnog plana rashoda. Proces popune upražnjenih radnih mjesta sa kojih su raniji uposlenici stekli uvjete za penzionisanja je u toku

Sredstva za materijal, energiju i usluge

Sredstva za materijal, energiju i usluge se ostvaruju u manjem obimu od utvrđenog. Ovo ostvarenje iznosi 72%. Za razliku od drugih stavki tekućeg dijela budžeta ovi rashodi se knjiže na osnovu pristiglih faktura. Budući da značajan dio faktura nije pristigao u izvještajnom periodu (dio faktura za septembar pristižu tokom mjeseca oktobra), dio nastalih rashoda za koje fakture nisu pristigle nije knjižen i obuhvaćen ovim izvještajem. Isti će teretiti naredni kvartal, a ostvarenje rashoda u cjelini se očekuje na približno planiranoj nivou.

Tekući grantovi i transferi

Tekući grantovi i transferi se u najvećoj mjeri odvijaju u planiranoj dinamici i obimu. Ostvarenje u odnosu na linearno definisanog devetomjesečnog plana rashoda iznosi 80,18%. Umanjeno ostvarenje ove grupe rashoda je posljedica dinamike doznake sredstava. Tako se doznake sredstava za sanaciju šteta od cca 400.000,00 KM, poljoprivrednih podsticaja od cca. 370.000,00 KM i slično, očekuju tek po okončanju procedura, u zadnjem kvartalu tekuće godine.

Sredstva operativne budžetske rezerve su utrošena u visini od 27.750,00 KM, što čini 27,75% utroška ukupno planiranih sredstava, a predstavljaju 0,23% ostvarenih poreznih i neporeznih prihoda izvještajnog perioda.

Kapitalni grantovi (transferi) i izdaci

Kapitalni dio budžeta je realizovan sa 67,02% sredstava linearno definisanog devetomjesečnog plana rashoda. U izvještajnom periodu su okončani i fakturirani radovi u visini od 4.770.818,28 KM.

Pored toga, kako je to navedeno u prvom dijelu izvještaja, izvršeno je rezervisanje sredstava u okviru provedenih postupaka javnih nabavki (355 postupaka zaključno sa 30.09.2019. godine). Realizacija ovih stavki je ugovorena, a sami radovi su u fazi izvođenja ili u pripremi za izvođenje. Dio radova za pojedine projekte je okončan ali nije fakturisan u izvještajnom periodu, te stoga nije knjižen niti evidentiran u ovom izvještaju.

Potrebno je naglasiti da je dio projekata uvršten u Budžet tek izradom Izmjena i dopuna Budžeta Općine iz jula i septembra ove godine, te se aktivnosti na realizaciji mogu očekivati tek u IV kvartalu.

Pored toga, već je izvjesno da se dio projekata za koje su radovi ugovoreni neće moći okončati do kraja tekuće budžetske godine, tako da će njihova realizacija biti okončana u 2020. godini. Shodno tome, u okviru Nacrta budžeta za 2020. godinu je već planirana stavka prijenosa ugovorenih, a nerealizovanih projekata, a dio sredstava je ponovo planiran kao prijenos stavke projekta u cjelini. S toga se može očekivati i djelimično umanjenje ove grupe rashoda i izdataka općinskog Budžeta, iako su sve pojedinačne stavke u najvećoj mjeri ugovorene. Ni jedan od planiranih projekata nije suspendiran i obustavljen od izvođenja.

Povrat sredstava od finansiranja

Servisiranje preuzetog dijela duga po stavci "Rezervisana sredstva za garancije date D.D. Toplana Tešanj" se vrši uredno prema ranije utvrđenom otplatnom planu.

Zaključak

Budžet Općine Tešanj je stabilan. Izvorni budžetski prihodi se ostvaruju u planiranim okvirima. S druge strane, kako je to već navedeno, realizacija kapitalnih grantova i finansiranja (kreditno zaduženje) prati realizaciju radova i usluga, tako da će isti biti realizovani po dostavi faktura. Ostvarenje dijela tekućih grantova je neizvjesno, ali za isto definisane alternativne opcije kroz Odluku o izvršavanju Budžeta Općine.

Rashodovna strana budžeta se realizuje u planiranom dinamičkom okviru uz evidentiranje rezervacija, pokretanje postupaka javnih nabavki, izvođenje radova i praćenje realizacije po istim. U okviru kapitalnog dijela, zbog dinamike ugovaranja i realizacije, može doći do umanjene realizacije i prijenosa ugovorenih aktivnosti u narednu godinu.

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić s. r.**

Broj: 02-14-1-2103/19

Datum: 21.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Informaciju o stanju bezbjednosti na području općine Tešanj za I polugodište 2019. godine i bezbjednosti učesnika u saobraćaju na području općine Tešanj, na prijedlog vijećnika Kurdić Adema u ime Kluba vijećnika SDA, usvojilo slijedeći:

ZAKLJUČAK

- Da se u narednoj Informaciji o stanju bezbjednosti uvrsti i Informacija o prosjačenju, koje je sve intenzivnije na prostoru naše Općine, sa poduzimanjem mjera protiv onih koji to organizuju, i
- Da se pojačaju mjere za nepropisno parkiranje i zaustavljanje.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

Broj: 01-04-1-1467-2/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Informaciju o stanju bezbjednosti na području općine Tešanj za I polugodište 2019. godine i bezbjednosti učesnika u saobraćaju na području općine Tešanj, usvojilo slijedeći:

ZAKLJUČAK

Prima se na znanje Informacija o stanju bezbjednosti na području općine Tešanj za I polugodište 2019. godine i bezbjednosti učesnika u saobraćaju na području općine Tešanj.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

Broj: 01-04-1-1467-3/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Informaciju JP "Rad" Tešanj o realizaciji sudske nagodbe po tužbi iz 2007.godinen, na prijedlog vijećnika Deljkić Nermina, usvojilo slijedeći:

ZAKLJUČAK

Klub vijećnika SDP Tešanj traži od Općinskog vijeća Tešanj da usvoji Zaključak kojim će uputiti zahtjev za reviziju poslovanja JP "RAD" Tešanj od 2004-2008 godine prema Uredu za reviziju poslovanja FBiH i u isto vrijeme i Parlamentarnoj komisiji odgovornoj za revizije. Ured za reviziju će usaglasiti plan za reviziju.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

Broj: 01-49-2-2166-2/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Informaciju JP "Rad" Tešanj o realizaciji sudske nagodbe po tužbi iz 2007.godinen, na prijedlog vijećnika Kotorić Esmira u ime Kluba vijećnika SDA, usvojilo slijedeći:

ZAKLJUČAK

1. Obezbjediti stabilno funkcionisanje JP "Rad" Tešanj i obezbjeđenje svih komunalnih usluga koje pruža danas;
2. Prilikom narednog izvještaja o radu dati cjelokupnu sliku i plan izmirenja dugovanja po ovom pitanju;
3. Krajnji korisnici usluga ne smiju podnijeti teret plaćanja ovih potraživanja kroz povećanje cijena usluga ciljano zbog ovoga.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-49-2-2166-3/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Informaciju JP "Rad" Tešanj o realizaciji sudske nagodbe po tužbi iz 2007.godine, usvojilo slijedeći:

ZAKLJUČAK

Prima se na znanje Informacija JP "Rad" Tešanj o realizaciji sudske nagodbe po tužbi iz 2007.godine.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-49-2-2166-4/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Informaciju o održavanju putne infrastrukture na prostoru općine Tešanj, usvojilo slijedeći:

ZAKLJUČAK

Prima se na znanje Informacija o održavanju putne infrastrukture na prostoru općine Tešanj.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-27-5-2147-2/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Informaciju o organizovanju i funkcioniranju sistema zaštite i spašavanja i zaštite od požara za 2018.godinu, usvojilo slijedeći:

ZAKLJUČAK

Prima se na znanje Informacija o organizovanju i funkcioniranju sistema zaštite i spašavanja i zaštite od požara za 2018.godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-44-6-1296-2/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Informaciju o provedenoj analizi Odluke o proglašavanju nevladinih organizacija od posebnog interesa u općini Tešanj, usvojilo slijedeći:

ZAKLJUČAK

Prima se na znanje Informacija o provedenoj analizi Odluke o proglašavanju nevladinih organizacija od posebnog interesa u općini Tešanj.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-14-7-180-2/19

Datum: 31.10.2019. godine

Općinsko vijeće Tešanj na svojoj 33. redovnoj sjednici održanoj dana 30.10.2019.godine, razmatrajući Informaciju o završetku školske 2018/2019. godine i upisu učenika u školsku 2019/2020. godinu u osnovnim i srednjim školama na području općine Tešanj, usvojilo slijedeći:

ZAKLJUČAK

Prima se na znanje Informacija o završetku školske 2018/2019. godine i upisu učenika u školsku 2019/2020. godinu u osnovnim i srednjim školama na području općine Tešanj.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-38-5-1977-2/19

Datum: 31.10.2019. godine

Na osnovu člana 30. Statuta općine Tešanj (Službeni glasnik općine Tešanj” broj:11/07), Zakona o javnim nabavkama (“Službeni glasnik BiH” broj:39/14), u skladu sa Budžetom općine Tešanj za 2019.godinu te u skladu sa Odlukom o izmjeni i dopuni Budžeta Općine Tešanj broj:01-02-1-2673-11/18 od 01.08.2019.godine, općinski Načelnik donosi:

O D L U K U
o dopuni i izmjeni Plana nabavki općine Tešanj za 2019.godinu

I

Po zahtjevu Službe za društvene djelatnosti i investicije i Službe za finansije, privredu, komunalne i inspeksijske poslove općine Tešanj a u vezi sa Zaključkom Vlade Ze-Do Kantona broj:02-14-14983/19 od 04.10.2019.godine Plan javnih nabavki za 2019.godinu dopunjuje se tako što se u dijelu Plana javnih nabavki "radovi" dodaje nove tačke 105., 106. i 107. koje glase:

1	2	3	4	5	6	7	8	9	10	11
Redni broj nabavke	Predmet nabavke	CPV Kod iz JRJN	Procijenjena vijednost javne nabavke u KM bez PDV-a	Budžetska stavka	Konto/Ekonomska i kod	Vrsta postupka	Okvirni datum pokretanja postupka	Okvirni datum zaključenja ugovora	Izvori finansiranja budžet općine/viši nivoi/donacija	Napomena
	RADOVI									
105	Izgradnja bunara, podstanice i tlačnog voda Mrkotić, općina Tešanj	45000000-7 45232150-8	85.000,00KM	Vodosnabdijevanje	821224	Otoreni postupak	Oktoбар	Decembar	Budžet Općine Tešanj i Ze-Do Kantona	
106	Izgradnja kanalizacije Šije, nastavak izgradnje, općina Tešanj	45000000-7 45232410-9	85.000,00KM	Vodosnabdijevanje	821224	Otoreni postupak	Oktoбар	Decembar	Budžet Općine Tešanj i Ze-Do Kantona	

107	Uređenje fasade na objektu kolektivnog stanovanja na parceli označenoj kao k.č. 512/1 k.o. Jelah	45000000-7 45443000-4	5.160,00KM	Grantovi za komunalne potrebe (uređenje fasada, zbrinjavanje pasa lualica i drugo)	614239	Direktni postupak	Oktobar	Novemb ar	Budžet Općine Tešanj	
-----	--	--------------------------	------------	--	--------	-------------------	---------	--------------	----------------------------	--

II

Po zahtjevu Službe za društvene djelatnosti i investicije općine Tešanj Plan javnih nabavki za 2019.godinu mijenja se u tački 95. (radovi) koja glasi:

RADOVI-Izmjena										
95	Dodatni i nepredviđeni radovi na izgradnji objekta ambulante u MZ Miljanovci Linčari, općina Tešanj	45000000-7 45210000-2	4.480,50KM	Kapitalna ulaganja (Lista kapitalnih ulaganja)	615000 821000	Pregovarački postupak bez objave obavještenja po Ugovoru broj:02-49-1-1587-14/19 od 18.07.2019.g od.	Oktobar	Novemb ar	Budžet Općine Tešanj	

III

Po zahtjevu Službe za društvene djelatnosti i investicije općine Tešanj Plan javnih nabavki za 2019.godinu dopunjuje se tako što se u dijelu Plana javnih nabavki "usluge" dodaje nova točka 61. koja glasi:

USLUGE										
61	Nadzor nad radovima na Izgradnji predulaza u PŠ Piljužići i Izgradnji duplex objekta za boračke populacije	71247000-1	1.500,00KM	Podrška projektima i utrošak sredstava kapitalnih grantova viših nivoa vlasti i drugih izvora i Sanacija i adaptacija stambenih prostora socijalno ugroženih lica i boračkih populacija	821600 614239 614232	Direktni postupak	Oktobar	Novemb ar	Budžet Općine Tešanj	

IV

Po zahtjevu Službe za boračko-invalidsku zaštitu i opće poslove općine Tešanj Plan javnih nabavki za 2019.godinu dopunjuje se tako što se u dijelu Plana javnih nabavki "robe" dodaje nova točka 48. koja glasi:

	ROBE									
48	Nabavka inox postolja i koplja za zastave	44212250-6	6.000,00KM	Nabavka opreme i objekata za potrebe funkcionisanja Organa uprave	821300	Direktni postupak	Oktobar	Novembar	Budžet Općine Tešanj	

V

Ova Odluka objavit će se na web stranici ugovornog organa i čini sastavni dio Plana Javnih nabavki za 2019.godinu.

VI

Ova Odluka stupa na snagu danom donošenja i objavit će se u Službenom glasniku Općine Tešanj.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj:02-2-1-99-14/19

Datum: 10.10.2019.godine

Na osnovu člana 25. stav 1. a u vezi sa članom 24. stav 2. alineja 3. Zakona o cestovnom prijevozu Federacije Bosne i Hercegovine ("Službene novine FBiH", broj: 28/06, 2/10) i člana 200. Zakona o upravnom postupku („Službene novine FBiH“, broj: 2/98 i 49/98), Služba za finansije, privredu, komunalne i inspeksijske poslove Općine Tešanj, **d o n o s i**

R J E Š E N J E

o produženju važnosti registrovanih redova vožnje na općinskim autobusnim linijama

I

Redovima vožnje na općinskim autobusnim linijama, registriranim u Službi za finansije, privredu, komunalne i inspeksijske poslove Općine Tešanj, čija važnost ističe 20.09.2019. godine, produžava se rok važnosti do 20.09.2022. godine.

II

U slučaju zahtjeva prijevoznika za registraciju redova vožnje koji se ne nalaze u Registru voznih redova ili drugih situacija koje mogu biti aktuelne u periodu važenja registriranih redova vožnje, Služba će pokrenuti proceduru u skladu sa Zakonom o cestovnom prijevozu i Pravilnikom o načinu, kriterijima i postupku usaglašavanja, ovjeri i registriranju voznih redova, te sadržaju i načinu vođenja registra ("Službene novine FBiH", broj:79/13, 91/14, 98/14 i 84/15).

III

Rješenje će biti dostavljeno svim prijevoznicima koji imaju registrovane redove vožnje na općinskim autobusnim linijama i Službenom glasniku Općine Tešanj.

IV

Rješenje stupa na snagu 21.09.2019. godine.

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj: 02-27-4-2055-71/12

Datum: 19.09.2019. godine

Na osnovu člana 12. i 16. Pravilnika o načinu korištenja, redu i radu na taksi stajalištima, rasporedu taksi vozila na taksi stajalištima i kriterijima za raspored taksi vozila na taksi stajalištima na području općine Tešanj ("Službeni glasnik Općine Tešanj" broj: 1/17, 4/18, 5/19) i člana 30. Statuta Općine Tešanj ("Službeni glasnik Općine Tešanj" broj:

11/07), Općinski načelnik donosi

R J E Š E N J E

o imenovanju Komisije za provođenje javnog poziva

I

Za provođenje javnog poziva za **prikupljanje zahtjeva za raspored taksivozila na slobodnim taksistajalištima i novih taksi vozila na području općine Tešanj** imenuje se Komisija u slijedećem sastavu:

1. Hadžismajlović Nihad, predsjedavajući
2. Gredelj Kanita, član i
3. Ibrić Jasminka, član

II

Komisija u okviru svojih nadležnosti:

4. obavještava podnosiocima zahtjeva o mjestu i datumu javnog otvaranja koverata za raspored taksivozila na slobodnim taksistajalištima (putem web stranice Općine Tešanj i oglasne ploče Općine Tešanj),
5. vrši otvaranje koverata,
4. vrši pregled prijava,
5. evidentira neblagovremene i nepotpune prijave te dostavlja Službi za finansije, privredu, komunalne i inspeksijske poslove općine Tešanj prijedlog za njihovo odbacivanje,
6. nakon provedenog postupka utvrđuje Preliminarne rang liste podnosilaca zahtjeva i iste objavljuje na web stranici i oglasnoj ploči Općine Tešanj.
7. vodi zapisnike o održanim sjednicama,
8. vrši i druge poslove koji proizilaze iz Pravilnika i javnog poziva.

Konačnu Listu podnosilaca zahtjeva utvrđuje rješenjem Služba za finansije, privredu, komunalne i inspeksijske poslove općine Tešanj.

III

Komisija za svoj rad ima pravo na naknadu koju će posebnim Rješenjem utvrditi Općinski načelnik.

IV

Rješenje stupa na snagu danom donošenja i objaviti će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj: 02-27-5-1924-2/19

Datum: 28.10.2019. godine

Na osnovu člana 10. Odluke o organizaciji i načinu obavljanja taksi prijevoza putnika na području Zeničko-dobojskog kantona („Službene novine Zeničko-dobojskog kantona“ broj: 10/19), člana 10. i 16. Pravilnika o načinu korištenja, redu i radu na taksi stajalištima, rasporedu taksi vozila na taksi stajalištima i kriterijima za raspored taksi vozila na taksi stajalištima na području općine Tešanj (“Službeni glasnik Općine Tešanj” broj: 1/17, 4/18, 5/19), Općinski načelnik raspisuje

JAVNI POZIV

za prikupljanje zahtjeva za raspored taksivozila na slobodnim taksistajalištima i novih taksi vozila na području općine Tešanj

I

Objavljuje se javni poziv za:

1. prikupljanje zahtjeva za raspored taksivozila na slobodnim taksistajalištima na području općine Tešanj za 2020. godinu,
2. primanje zahtjeva novih taksi vozila na području općine Tešanj, na (2) slobodna mjesta.

II

U skladu sa Zaključkom o broju i razmještaju taksi stajališta, broju stajališnih mjesta, kategoriji taksi stajališta i ukupnom broju taksivozila na području općine Tešanj, broj: 02-27-5-2298/18 od 30.11.2018. godine, **slobodna** taksi stajališta na koja se mogu rasporediti postojeća taksivozila na području općine Tešanj koja žele zamjenu, su slijedeća:

R br	Naziv taksistajališta	Broj slobodnih stajališnih mjesta	Kategorija taksistajališta	Godišnja naknada za upotrebu i korištenje taksistajališta
1	Dom kulture – Tešanj	2	I	50,00 KM
2	Bolnica – Tešanj	1	I	50,00 KM
3	Željeznička stanica-Jelah	4	I	50,00 KM
4	Ambulanta-Jelah	3	III	50,00 KM
5	Mjesna zajednica-Šiže	3	III	50,00 KM

Postojeća taksi vozila koja su prema ranijem Pravilniku bila raspoređena na taksistajališta, zadržavaju stečena prava raspoređivanja na ista.

III

Podnosilac zahtjeva za raspored taksivozila na slobodnim taksistajalištima mora ispunjavati sljedeće uslove:

1. Da posjeduje profesionalnu osposobljenost koja podrazumjeva:
 - da je registrovan za obavljanje djelatnosti taksiprijevoza i da mu je to osnovna djelatnost;
 2. Da ima sjedište/prebivalište na području općine Tešanj.
 3. Da uredno izmiruje obaveze u pogledu plaćanja javnih prihoda;
 4. Da nema izrečenu pravomoćnu odluku kojom je određena zaštitna mjera zabrane obavljanja djelatnosti javnog prijevoza dok ta mjera traje.
- Za prijavu na javni poziv podnosioci zahtjeva za raspored taksivozila na slobodnim taksistajalištima dokazuju uslove prilaganjem slijedeće dokumentacije uz zahtjev:
1. rješenje/odobrenje za obavljanje taksiprijevoza izdato od strane nadležne službe Općine Tešanj (kopija);
 2. ličnu kartu (kopija); i potvrdu o prebivalištu na području općine Tešanj (original ili ovjerena kopija);
 3. uvjerenje nadležnog poreznog organa da uredno izmiruje obaveze u pogledu plaćanja javnih prihoda ili zaključen sporazum o plaćanju duga u ratama (original ili ovjerena kopija);
 4. uvjerenje nadležnog suda da u posljednoj godini dana od dana podnošenja zahtjeva za raspored nije pravosnažnim rješenjem izrečena zaštitna mjera zabrane obavljanja djelatnosti javnog prijevoza (original ili ovjerena kopija);

IV

Za primanje zahtjeva novih taksi vozila na području općine Tešanj podnosilac zahtjeva mora ispunjavati sljedeće uslove:

1. Da ima prebivalište na području općine Tešanj,
2. Da nema zasnovan radni odnos,
3. Da ima položen poseban ispit za taksi vozača.

Podnosioci zahtjeva novih taksi vozila dokazuju uslove prilaganjem slijedeće dokumentacije uz zahtjev:

1. Potvrda o prebivalištu na području općine Tešanj, ne starija od 15 dana (original ili ovjerena kopija),
2. Uvjerenje Zavoda za zapošljavanje, odnosno Potvrda Porezne uprave iz koje se može utvrditi da nije u radnom odnosu, ne starije od 15 dana (original ili ovjerena kopija),

3. Uvjerenje o položenom posebnom ispitu za taksivozača, (ovjerena kopija).

Redosljed na rang listi se utvrđuje na osnovu bodova po slijedećem kriteriju:

1. Dužina prisutnosti na evidenciji Zavoda za zapošljavanje/trajanje nezaposlenosti u mjesecima do dana objave javnog poziva1 bod.

V

Obrasci zahtjeva se mogu preuzeti na web stranici Općine Tešanj www.opcina-tesanj.ba i na Protokolu Općine Tešanj.

Javni poziv za prikupljanje zahtjeva ostaje otvoren 15 dana od dana objave Javnog poziva u novinama „Naša riječ“, a bit će objavljen i na web stranici Općine Tešanj i oglasnoj ploči Općine Tešanj.

Neblagovremeni i nepotpuni zahtjevi neće se uzeti u razmatranje.

VI

Nakon provedenog postupka Komisija utvrđuje Preliminarne Rang liste taksi vozila i iste objavljuje na web stranici i oglasnoj ploči Općine Tešanj.

Na objavljene Preliminarne rang liste podnosioci zahtjeva mogu podnijeti prigovor Službi za finansije, privredu, komunalne i inspeksijske poslove Općine Tešanj u roku od 8 dana od dana objavljivanja iste.

NAPOMENA: Ukoliko na području Općine Tešanj dođe do ukidanja, odnosno stavljanja van upotrebe određenih taksistajališta, taksivozila

.....

raspoređena na istim bit će raspoređena na drugo taksistajalište iste kategorije.

Zahtjev i sve tražene dokumente treba dostaviti u zatvorenoj koverti lično na Protokol Općine Tešanj ili poštom na adresu:

**OPĆINA TEŠANJ
OPĆINSKI NAČELNIK**

Komisija za provođenje javnog poziva za prikupljanje zahtjeva za raspored taksivozila i novih taksi vozila na području općine Tešanj

**Trg Alije Izetbegovića br. 1
74260 Tešanj**

sa naznakom:

„OTVARA KOMISIJA“

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

Broj: 02-27-5-1924/19

Datum: 19.09.2019.godine

S A D R Ž A J

I - AKTI OPĆINSKOG VIJEĆA

		Strana
116.	Odluka o pogodnostima za investitore na području općine Tešanj.....	236
117.	Odluka o pristupanju sporazumu gradonačelnika i izradi SECAP-a.....	237
118.	Odluka kojom se odobrava prodaja i raspisivanje Javnog konkursa za zemljište na lokalitetu Ljetinića.....	238
119.	Rješenje o imenovanju komisije za procjenu vrijednosti nekretnina u prometu.....	239
120.	Zaključak - Nacrt Budžeta Općine Tešanj za 2020. godinu.....	239
121.	Zaključak - Izvještaj o izvršenju Budžeta za period januar-septembar 2019.godine i Izvještaj.....	239
122.	Zaključak u vezi Informacije o stanju bezbjednosti – prijedlog vijećnika Kurdić Adema.....	244
123.	Zaključak - Informacija o stanju bezbjednosti na području općine Tešanj za I polugodište 2019. godine i bezbjednosti učesnika u saobraćaju na području općine Tešanj.....	244
124.	Zaključak u vezi Informacija JP “Rad” Tešanj o sudske nagodbe po tužbi iz 2007. na prijedlog vijećnika Delkić Nermina.....	244
125.	Zaključak u vezi Informacija JP “Rad” Tešanj o realizaciji sudske nagodbe po tužbi iz 2007.godine na prijedlog vijećnika Kotorić Esmira.....	245
126.	Zaključak - Informacija JP “Rad” Tešanj o realizaciji sudske nagodbe po tužbi iz 2007.godine.....	245
127.	Zaključak - Informacija o održavanju putne infrastrukture na prostoru općine Tešanj.....	245
128.	Zaključak - Informacija o organizovanju i funkcioniranju sistema zaštite i spašavanja i zaštite od požara za 2018.godinu.....	245
129.	Zaključak - Informacija o provedenoj analizi Odluke o proglašavanju nevladinih organizacija od posebnog interesa u općini Tešanj.....	245
130.	Zaključak - Informacija o završetku školske 2018/2019. godine i upisu učenika u školsku 2019/2020. godinu u osnovnim i srednjim školama na području općine Tešanj.....	245
131.	Zaključak - Informacija o završetku školske 2018/2019. godine i upisu učenika u školsku 2019/2020. godinu u osnovnim i srednjim školama na području općine Tešanj.....	245

II - AKTI OPĆINSKOG NAČELNIKA

35.	Odluka o izmjeni i dopuni Plana nabavki općine Tešanj za 2019.godinu Broj:02-2-1-99-14/19.....	246
36.	Rješenje o produženju važnosti registrovanih redova vožnje na općinskim autobusnim linijama.....	249
37.	Rješenje o imenovanju Komisije za provođenje javnog poziva za prikupljanje zahtjeva za raspored taksivozila na slobodnim taksistajalištima i novih taksi vozila na području općine Tešanj.....	249
38.	Javni poziv za prikupljanje zahtjeva za raspored taksivozila.....	250

